



ՔԱՀԱՆԱՅԱԿԱՆ ԶԵՌՆԱԴՐՈՒԹՅՈՒՆ ՄԱՅՐ ԱԹՈՌՈՒՄ

«Առէք Հոգի Սուրբ. եթէ ումեք թողուցուք զմեղս, թողեալ լիցի մոցա, եթէ զուրուք ունիցիք, կալեալ լիցի» (Հովհ. Ի 22—23):

Մայիսի 22-ին, կիրակի.—Հոգեգալուստ (Պենտեկոստէ, յիսներորդ օր ի Ջատկէն):

Այսօր կրկնակի ուրախության ու ցնծության օր է Մայր Աթոռ Ս. Էջմիածնում: Հոգեգալստյան տոնի ա. պատարագին Հայաստանյայց Սուրբ Եկեղեցու սպասավորության են կոչվում Մայր Աթոռի հոգևոր ճեմարանն ավարտած չորս սարկավագներ՝ Գևորգ սրկ. Սջապահյանը, Կամո սրկ. Աբրահամյանը, Սամվել սրկ. Հովհաննիսյանը և Արծվի սրկ. Գևորգյանը, որոնք մախօրք պաշտպանել էին իրենց ավարտաճառերը և պատրաստակամություն հայտնել՝ իրենք իրենց ընծայելու ի սպասավորություն Հայ Եկեղեցու ու հավատացյալ հայ ժողովրդի:

Նախորդ օրը, մայիսի 11-ին, երեկոյան, տեղի է ունեցել «Յերեկոյէ կոչումն քահանայութեան» կարգը, խարտավիականությամբ Տ. Արամ վրդ. Բոյաջյանի, որը վկայեց մորընծաների հոգևոր ու իմացական պատրաստակամությունների ու արժանիքների մասին: Նորընծաները խոստացան «յամձն առնուլ և կատարել զամենայն հրամանս սրբոց առաքելոցն և հայրապետացն և կշլ

ըստ կանոնսց մոցա», «ամենայն պատրաստութեամբ և առանց ձանձրանալոյ կալ ի պաշտօնն Աստուծոյ» և պահել «զդուանութիւն ուղղափառ հաւատոյ, ընդ սուրբ Հայրապետսն ըստ եօից սուրբ ժողովոց»: Հավարտ քահանայական կոչման արարչության, մորընծաները հրապարակորեն արտասանեցին Հայաստանյայց Առաքելական Եկեղեցու «Հաւատոյ խոստովանութիւն»-ը, ըստ Ս. Գրիգոր Տաթևացու սահմանած բանաձևի:

Հոգեգալստյան տոնի ու քահանայական ձեռնադրության առթիւ Մայր տաճարու ի հանդիսավոր ա. պատարագ մատուցեց Մայր տաճարի լուսարարապետ գերաշնորհ Տ. Հուսիկ արքեպս. Սանթրոյանը: Ս. պատարագը շարունակվեց մինչև «Զի ողորմած և մարդասէր ես Աստուած» աղոթքը, որից հետո խարտավիակ Տ. Արամ վրդ. Բոյաջյանը մորընծաներին առաջնորդեց Ավագ խորան, ուր նրանք, հոգևորականներին ու հավատացյալների բազմությանը դառնալով, բարձրացրին իրենց ձեռքերը՝ ի նշան աշխարհից հրաժարման:

Հրաժարման պահից ու «Աստուածային և երկնաւոր» շարականից հետո նորընծաները դեմքով շրջվեցին դեպի Ավագ սեղան, և ձեռնադրող սրբազան հայրը, բնութեցելուց հետո ձեռնադրության մեծ աղոթքը, խաչաձև «ԴՆԷ զաջն ի վերայ գլխոյն նուիրելոյ»: «Հաւատամք»-ից «Ողջոյն տուք միմեանց» և «Խորհուրդ խորին» շարականից հետո ձեռնադրության հանդիսավոր արարողությունը հասնում է իր հոգևոր վերացման սրբազան բարձունքին. սկսվում է օծման խորհրդավոր արարողությունը: Գերաշնորհ սրբազան հայրը մեկ առ մեկ սրբալույս մեռոնով օծում է նորընծաների ճակատն ու ձեռքերը, վերանվանելով՝ Գևորգ սրկ. Աջապահյանին՝ Ս. Միքայել քահանա, Կամո սրկ. Աբրահամյանին՝ Ս. Վրթանես քահանա, Սամ-

վել սրկ. Հովհաննիսյանին՝ Ս. Նաթան քահանա, Արծվի սրկ. Գևորգյանին՝ Ս. Թադեոս քահանա:

Դառնալով ժողովրդին, նորընծաները տալիս են իրենց անդրանիկ օրհնությունը՝ «Խաղաղութիւն ամենեցուն»:

Ապա պատարագիչ սրբազան հայրը, շնորհավորելով նորընծաներին, բովանդակալից քարոզ է խոսում՝ «Առաքելոյ աղանու իջանելով մեծաձայն հնչմամբ ի բարձանց մինչդեռ նստէին ի սուրբ Վերնատուն» (շարական) քնաբանով:

Նույն ճօրը, երեկոյան, տեղի է ունենում Ս. Միքայել քհն. Աջապահյանի, Ս. Վրթանես քհն. Աբրահամյանի ու Ս. Նաթան քհն. Հովհաննիսյանի կուսակրոն քահանայության խորհրդանիշ վեղարի տվչության արարողությունը:

